



მიგრანტი

ჩანართს გამოსცემს
ახალგაზრდა მეცნიერთა
კავშირი „ინტელექტი“.

№21 / 2017

წარმატებული ბენეფიციარები

ახალგაზრდა მეცნიერთა
კავშირი „ინტელექტი“
ეკოლოგიური და შრომითი
მიგრანტებისთვის
ახორციელებს პროექტს
„მიგრანტთა მდგომარეობის
გაუმჯობესება აჭარის
რეგიონში“. პროექტის
ერთ-ერთი მნიშვნელოვანი
კომპონენტია მცირე ბიზნესის
დაფინანსების საგრანტო
პროგრამა. პროექტის
ფარგლებში ამ ეტაპისთვის
14 ბიზნესი დაფინანსდა.
განაცხადების მიღება კვლავ
გრძელდება.

ჩანართი მომზადებულია
ევროკავშირის ფინანსური
მხარდაჭერით, პროექტის „მიგრანტთა
მდგომარეობის გაუმჯობესება აჭარის
რეგიონში“ ფარგლებში. ტექსტში
მოყვანილი მოსაზრებები შეიძლება
არ ემთხვეოდეს ევროკავშირის
ოფიციალურ პოზიციას.

ჩანართის რედაქტორი: სალომე აბულაძე
მისამართი: ბათუმი, ფიროსმანის №18
ტელ.: 24 16 40; ფაქსი: 24 16 50
მობ: 592 57 18 00
ელფოსტა: info@intellect.ge
ვებგვერდი: intellect.ge



უცხო ენების სწავლების ცენტრი MY KEY

„ინტელექტის“ მიერ გაცემული ბიზ-
ნესგრანტით ძმებმა – ზურა და მალხაზ
ანთაძეებმა უცხო ენების სწავლების
ცენტრი MY KEY გახსნეს.

ბიჭებს სასწავლებლის გახსნის იდეა
ჯერ კიდევ საქართველოში დაბრუ-
ნებამდე გაუჩნდათ. მათ განათლება
თურქეთის რესპუბლიკის ქალაქ მალა-
თიაში მიიღეს, ზურამ საინჟინრო სამ-
შენებლო ფაკულტეტი დაამთავრა, ხო-
ლო მალხაზმა – საერთაშორისო ურ-
თიერთობები.

„ოთხი თვეა რაც „ინტელექტის“
პროექტის ფარგლებში დაფინანსე-
ბა მივიღეთ და გავხსენით ინგლი-
სური და თურქული ენების სწავლე-
ბის ცენტრი. ახლა 35 მოსწავლე გვყა-
ვს, მათ შორის 10 უცხოელია. დღითი-
დღე ეს რიცხვი მატულობს. მსმენლე-
ბი ჯგუფებად არიან დაყოფილი, თი-
თოეულ ჯგუფს კვირაში სამი ლექცია
აქვს. სწავლის გადასახადი ინდივიდუა-
ლური მომზადებისას 150 ლარია, ხო-
ლო მათთვის, ვისაც ჯგუფური მუშაო-
ბა უფრო მოსწონს, გადასახადი 80 ლა-
რია. სწავლის საფასური უცხოელი მს-
მენლებისთვის უფრო მაღალია: ჯგუ-
ფური მეცადინეობა – 100 ლარი, ინდი-

ვიდუალური კი – 200 ლარი ღირს.

მალე რუსული ენის დამატებასაც
ვგეგმავთ. თურქულ ენაში შევიმუშ-
ავთ სწავლების ჩვენეული პროგრამე-
ბი, გვაქვს სამთვიანი და 6 თვეზე მეტი
ხანგრძლივობის სასწავლო კურსები.

ჯერჯერობით მხოლოდ ორი საკლა-
სო ოთახი გვაქვს, ამ ეტაპისთვის ნა-
მდვილად საკმარისია. სამომავლოდ
ვგეგმავთ ჩვენი სასწავლებლის უფრო
დიდი მასშტაბის საგანმანათლებლო
და კვლევით ცენტრად გადაქცევას,
სადაც უცხო ენების შესახებ კვლევე-
ბიც ჩატარდება და უფრო მეტი ენის
შესწავლა იქნება შესაძლებელი.

საქართველოში საკუთარი ბიზნესი
რომ შექმნა, ძალიან დიდი ძალისხმე-
ვა გჭირდება. თურქეთში კი ბიზნესის
დანყებაში სახელმწიფო გეხმარება,
თუ ფინანსურად ვერ ახერხებს, ამას
სხვა გზით მაინც აკეთებს. მიუხედა-
ვად ამისა, ყველა შრომით და ეკოლო-
გიურ მიგრანტს ვურჩევთ, დაბრუნდ-
ნენ და აქ შეეცადონ თავიანთი იდეის
განხორციელებას.

უცხო ენების სწავლების ცენტრი
MY KEY ბათუმში, ზურაბ გორგილა-
ძის №23-ში მდებარეობს.

პურ-ფუნთუშეულის საცხობი

„ინტელექტისგან“ გრანტი 50 წლის ნუგზარ შაი-ნიძემაც მიიღო და პურ-ფუნთუშეულის საცხობი გახსნა.

ის ეკომიგრანტია. რამდენიმე წლის წინ ხულოს მუნიციპალიტეტის სოფელ ფაჩხაში ცხოვრობდა, მაგრამ მენყრულმა პროცესმა მისი საკარმიდამო დაზიანა და საცხოვრებელი სახლიც ნახევრად დაინგრა. ნუგზარი იძულებული გახდა საცხოვრებელი ადგილი სხვაგან მოეტეხნა, ამიტომ ოჯახთან ერთად ბათუმში გადმოვიდა.

„მე არამარტო ეკომიგრანტი, არამედ შრომით მიგრანტიც ვარ. ქალაქში გადმოსვლა და ქირით ცხოვრება ძალიან რთული აღმოჩნდა. ჩემი ოჯახის ეკონომიკური მდგომარეობის გასაუმჯობესებლად სამუშაოდ უცხოეთში დავდიოდი. ცოტა თანხა რომ შევგროვე, პურის საცხობი აპარატი ვიქირავე, ვნახე გასაქირავებელი ფართობიც და დავიწყე პურის ცხობა და წარმოება.

ერთ დღესაც „ინტელექტიდან“ დამიკავშირდნენ და პროექტის „მიგრანტთა მდგომარეობის გაუმჯობესება აჭარის რეგიონში“ ფარგლებში მოქმედი პროგრამები გამაცნეს. მცირე ბიზნესგრანტით დავინტერესდი და დავიწყე ფიქრი ჩემი ბიზნესის გაფართოებაზე, მაგრამ მოხდა ისე, რომ ჩემი ნაქირავები ფართობი გაიყიდა. დავრჩი საარსებო წყაროს გარეშე. ბევრი აღარ მიფიქრია და „ინტელექტში“ ბიზნესგანაცხადი არა არსებული ბიზნესის გაფართოებაზე, არამედ ახალის დასაწყებად შევიტანე.

კონკურსი წარმატებით გავიარე, დამაფინან-

სეს. შევისყიდეთ დანადგარები, არასტაციონარული პურის საცხობი, რომელიც მუშაობს შეშაზე და საჭიროების შემთხვევაში შესაძლებელია გაზზე გადაკეთება.

საცხობში ერთდროულად 260 პური ცხვება და დღე-ღამეში დაახლოებით 4000-დან 5000-მდე პური გამოდის. ცომის მოჭრა, დალაგება... ამ საქმეს მე და ჩემი ძმისშვილი ვაკეთებთ.

ჯერჯერობით ჩვენი პური 30 მარკეტში იყიდება, ასევე ვამარაგებთ ორ სასტუმროს და ერთ კაზინოს. ახლახან ერთი რესტორანიც დაგვემატა. მომხმარებლები ჩვენი მიწოდებული პურით და მომსახურებით ძალიან კმაყოფილი არიან. ამ სფეროში რვანლიანი გამოცდილება მაქვს.

ადრე ყველაფერი ნაქირავები მქონდა, ახლა კი მხოლოდ ფართობს ვქირაობ, შესაბამისად, შემოსავალიც გაიზარდა.

სურვილი მაქვს, ერთი პატარა ლუმელი კიდევ დავამატო, ალბათ რამდენიმე ადამიანსაც დავასაქმებ. შრომით მიგრანტებს სტაჟიორად მივიღებ, ისწავლიან, თანაც კარგად გადავუხდი.

რომ არა ეს პროექტი, უმუშევრად დარჩენილს კიდევ უცხოეთში სამუშაოდ წასვლა მომიწევდა. ჩემთვის ეს ბიზნესი ძალიან მნიშვნელოვანი იყო.

მინდა ყველა ეკოლოგიურ თუ შრომით მიგრანტს ვუთხრა, რომ ახალგაზრდა მეცნიერთა კავშირმა „ინტელექტმა“ პროექტით – „მიგრანტთა მდგომარეობის გაუმჯობესება აჭარის რეგიონში“ შანსი მოგვცა, ჩვენი იდეა ბიზნესად ვაქციოთ. გამოიყენეთ ეს შანსი თქვენც!

